



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ  
ԵՎ ՍՊՈՐՏԻ ՆԱԽԱՐԱՐԻ

ՀՐԱՄԱՆ

N 1496-Ա/2

22.08.2022թ.

**«ԿՈՂՔ-ԿՈՂՔԻ» ՄԻՋԱԶԳԱՅԻՆ ՆԵՐԱՌԱԿԱՆ ԵՐԱԺՇՏԱԿԱՆ ԱՐՏ ՓԱՌԱՏՈՆ»  
ԾՐԱԳԻՐԸ ՀԱՍՏԱՏԵԼՈՒ ԵՎ ԳՈՒՄԱՐ ՀԱՏԿԱՑՆԵԼՈՒ ՄԱՍԻՆ**

Ղեկավարվելով «Հայաստանի Հանրապետության 2022 թվականի պետական բյուջեի մասին» Հայաստանի Հանրապետության օրենքով և Հայաստանի Հանրապետության վարչապետի 2019 թվականի հունիսի 1-ի N 661-Լ որոշման հավելվածի 19-րդ կետի 20-րդ ենթակետով՝ «Կողք-կողքի» միջազգային ներառական երաժշտական արտ փառատոնի ծրագիրն իրականացնելու նպատակով՝

Հ Ր Ա Մ Ա Յ ՈՒ Մ Ե Մ

1. Հաստատել «Կողք-կողքի» միջազգային ներառական երաժշտական արտ փառատոնի ծրագիրը՝ համաձայն հավելվածի:

2. «Հայաստանի Հանրապետության 2022 թվականի պետական բյուջեի մասին» Հայաստանի Հանրապետության օրենքի N 1 հավելվածի N 2 աղյուսակի «1168. Արվեստների ծրագրի» «11005. Մշակութային միջոցառումների իրականացում» միջոցառման համար Հայաստանի Հանրապետության կրթության, գիտության, մշակույթի և սպորտի նախարարությանը (այսուհետ՝ նախարարություն) նախատեսված գումարներից (տող՝ «Աջակցություն ներառական նախագծերին ժամանակակից արվեստի ոլորտում») հատկացնել է 15716.4 հազար (տասնհինգ միլիոն յոթ հարյուր տասնվեց հազար չորս հարյուր) դրամ «Կողք-կողքի» միջազգային ներառական երաժշտական արտ փառատոնի ծրագիրն իրականացնելու համար:

3. Նախարարության ֆինանսաբյուջետային վարչության պետին՝ սույն հրամանն ուժի մեջ մտնելուց հետո 15-օրյա ժամկետում նախապատրաստել և նախարարության գլխավոր քարտուղարի ստորագրմանը ներկայացնել սույն հրամանի 2-րդ կետում նշված

գումարը «Կողք կողքի» ներառական կրթամշակութային հասարակական կազմակերպությանը հատկացնելու մասին պայմանագիր (այսուհետ՝ պայմանագիր),

4. Նախարարության ժամանակակից արվեստի վարչության պետին՝ Հայաստանի Հանրապետության կրթության, գիտության, մշակույթի և սպորտի նախարարի 2020 թվականի մարտի 16-ի թիվ 343-Ա/2 հրամանին և կնքվող պայմանագրին համապատասխան իրականացնել պայմանագրով նախատեսված աշխատանքների կատարման նկատմամբ հսկողություն, բովանդակային հաշվետվությունների ընդունման գործառույթներ:

5. Սույն հրամանի կատարման հսկողությունը վերապահել Հայաստանի Հանրապետության կրթության, գիտության, մշակույթի և սպորտի նախարարի տեղակալ Ա. Խզմալյանին:

ՎԱՀՐԱՄ ԴՈՒՄԱՆՅԱՆ

X

---

**Հավելված**

ՀՀ կրթության, գիտության,  
մշակույթի և սպորտի նախարարի  
----- 2022 թ.  
N ----- հրամանի

**Ծ Ր Ա Գ Ի Ր**

«Կողք-կողքի» միջազգային ներառական երաժշտական արտ փառատոնի

1	Կազմակերպության անվանում	«Կողք կողքի» ներառական կրթամշակութային հասարակական կազմակերպություն
2	Կազմակերպության գտնվելու վայրը	ք. Երևան Արտաշիսյան փողոց 59 շենք, բնակարան 16
3	Ծրագրի անվանում	«Կողք-կողքի» միջազգային ներառական երաժշտական արտ փառատոն
3.1	Բովանդակություն	<p>«Կողք-կողքի» միջազգային ներառական երաժշտական արտ փառատոնի շրջանակներում նախատեսվում է իրականացնել՝</p> <ul style="list-style-type: none"> <li>▪ Սեպտեմբերի 6-ին բացման համերգ</li> <li>▪ Սեպտեմբերի 10-ին փակման արարողություն՝ գալա համերգ</li> <li>▪ Սեմինար, վարպետության դասեր</li> <li>▪ Համերգային ծրագրեր</li> <li>▪ Ցուցահանդես</li> </ul> <p>Սեպտեմբերի 7-ին և 8-ին կիրականացվի սեմինար և վարպետության դասեր, տարբեր երկրներից հրավիրված ներառական ոլորտի լավագույն մասնագետների մասնակցությամբ: Սեմինարի թեմատիկ ուղղվածությունը՝ արտթերապիա և երաժշտաթերապիա:</p> <p>Սեմինարի ընթացքում հրավիրված մասնագետները կներկայացնեն ներառական ոլորտի մասնագիտական տարբեր թեմաներ, տեղի կունենա հարց ու պատասխան, քննարկումներ ծնողների և մասնագետների մասնակցությամբ: Յուրաքանչյուր օր կկայանա համերգ ելույթներ՝ հաշմանդամություն ունեցող շնորհալի երեխաների մասնակցությամբ:</p> <p>Սեմինարին կմասնակցեն Հայաստանում գործող վերականգնողական կենտրոնների ու մանկատների ներկայացուցիչները:</p> <p>Սեմինարի տևողությունը՝ 2 օր:</p> <p>Սեպտեմբերի 10-ին կկայանա Գալա համերգ, որին կմասնակցեն օտարերկրյա հյուրերը, հաշմանդամություն ունեցող անձինք և անվանի երաժիշտները ինչպես նաև ք. Գյումրիի և Սևանի վերականգնողական կենտրոնի սաները, ովքեր 2 օր կմասնակցեն՝</p>

		<p>թե բացման, թե փակման արարողությանը:</p> <p>Ցուցահանդեսը տեղի է ունենալու Երևանի Հովհաննես Թումանյանի անվան պետական տիկնիկային թատրոնի սրահում:</p> <p>Ցուցահանդեսին մասնակցելու են օտարերկրյա հյուրերը, մասնակիցները և հրավիրված անձիք: Ցուցահանդեսին կներկայացվեն թերապիաների ընթացքում կենտրոնների սաների կողմից պատրաստված կավե աշխատանքները, գեղարվեստական աշխատանքները, զամբյուղներ, թևնոցներ, շարժեր և այլ ձեռքի աշխատանքներ:</p>
3.2	Նպատակ	<ul style="list-style-type: none"> <li>Արվեստի և երաժշտության միջոցով տարածել մարդասիրություն և ապացուցել, որ հաշմանդամությունը դատավճիռ չէ և չի կարող խոչընդոտ հանդիսանալ, երբ անձը հնարավորություն ունի կատարելագործվելու ու ինքնաարտահայտվելու՝ արվեստի ցանկացած բնագավառում:</li> <li>Ծրագրում օտարերկրյա մասնագետների ներգրավվածությունը լայն հնարավորություններ կընձեռնի ոլորտի զարգացման, Հայաստանի ու Արցախի մասնագետների վերապատրաստման համար, ինչպես նաև ծնողներին հնարավորություն կտա դասընթացի և վարպետած դասերի միջոցով զարգացնել և կատարելագործել ունեցած գիտելիքները:</li> <li>Ծրագիրը կնպաստի հաշմանդամություն ունեցող անձի ստեղծագործական կարողության զարգացմանը, հարթակ կհանդիսանա հաշմանդամություն ունեցող տաղանդավոր անձանց հասարակության մեջ ինտեգրվելուն: Արվեստի միջոցով հասարակության մեջ հանրայնացնել ներառական մտածողությունը:</li> <li>Փառատոնի ընթացքում երեխաները և դեռահասները հնարավորություն կունենան վարպետության դասերի մասնակից լինել, փորձ ձեռք բերել անվանի երաժիշտների հետ շփման ընթացքում:</li> <li>Նախագիծը կարող է նպաստել հաշմանդամություն ունեցող երիտասարդների հետագա գործունեությանը՝ մասնագիտական կողմնորոշման մեջ: Նախագծում շեշտը դրված է մարդասիրություն ու հանդուրժողականություն սերմանելու հայ երիտասարդության մեջ: Հասարակության կողմից ճանաչված մարդկանց ներգրավվածության միջոցով հնարավորինս հանրայնացնել ներառական մտածողությունը:</li> </ul>
3.3	Անցկացման ժամկետ	2022 թ. սեպտեմբերի 6-10
3.4	Անցկացման վայր	Երևանի Հովհաննես Թումանյանի անվան պետական տիկնիկային թատրոն Բացօթյա Գալա համերգ Երևանի տարածքում

3.5	Ակնկալվող արդյունքներ	<ul style="list-style-type: none"> <li>• Հաշմանդամություն ունեցող շնորհաշատ երեխաների և դեռահասների բացահայտում, մասնագիտական ունակությունների զարգացում</li> <li>• Բարենպաստ միջավայրի ձևավորում, մասնակիցների գիտելիքների ընդլայնում</li> <li>• Մասնակիցների մասնագիտական կոզմորոշում</li> <li>• Անվանի երաժիշտների ներգրավվածության միջոցով հնարավորինս զարգացնել և հանրայնացնել ներառական մտածողությունը: <ul style="list-style-type: none"> <li>• Ներառական, կրթական, վերականգնողական տարբեր կազմակերպություններին համախմբում՝ արվեստի միջոցով:</li> <li>• Տարբեր ոլորտների մասնագիտների միջև փորձի փոխանակում,</li> <li>• Ներառական կրթության ոլորտի դերակայության բարձրացում</li> <li>• Միջազգային փորձի ուսումնասիրում</li> </ul> </li> </ul>
3.6	Ոչ ֆինանսական ցուցանիշներ	<ul style="list-style-type: none"> <li>• 50 մասնակից համերգային ծրագրերի</li> <li>• 10 միջազգային մասնագետ</li> <li>• 50 կամավոր</li> <li>• 4 համերգ</li> <li>• 1 ցուցահանդես</li> <li>• Սեմինար և վարպետաց դասեր, տևողությունը՝ երկու օր: Մասնակիցները՝ յուրաքանչյուր օրը 70 մարդ:</li> </ul>